

## **PRINCIPAIS MEDIDAS DE ADAPTACIÓN AO CONTEXTO DA COVID-19 QUE SE IMPLANTARÁN NO CENTRO DURANTE O CURSO 2021/2022:**

As medidas son similares ás do curso pasado.

### **Medidas de hixiene e distanciamento social:**

- O uso da máscara é obrigatoria en todo momento para o persoal do centro e o alumnado de 6 anos en diante. Os menores de 6 anos procurarán empregala.
- Haberá dispensadores de xel hidroalcohólico en todas as aulas, aseos e resto de estancias. Todo o alumnado e persoal lavará as mans á entrada, ao ir ao aseo, merendar, etc. Tamén haberá en todas as estancias desinfectante e papel.
- As portas e fiestras das aulas estarán abertas continuamente o máximo que permitan as condicións climatolóxicas.
- Reducirase o material compartido. En caso de facelo, realizarase hixiene de mans.
- En todos os desprazamentos polo centro o alumnado gardará a distancia de seguridade de 1,5 m entre si.
- O alumnado traerá unha máscara de reposto e un estoxo específico para gardala (pode ser unha bolsa de tea ou un neceser, por exemplo).
- Haberá un protocolo de limpeza e desinfección, que incluírá unha quenda de mañá.
- O profesorado explicará ao alumnado as medidas de hixiene e distanciamento social, adaptados á súa idade.
- No centro haberá cartelería e sinalización para axudar a cumprir as medidas.
- Non asistirán ao centro aqueles estudantes, docentes e outros profesionais que teñan síntomas compatibles con COVID-19, así como aqueles que se atopen en illamento ou corentena.
- No caso de que durante a xornada escolar un alumno/a comece a desenvolver síntomas compatibles coa COVID-19 levarase a unha sala separada e contactarase coa familia, quen deberán chamar ao seu centro de saúde de Atención Primaria para solicitar consulta, ou ao teléfono de referencia do SERGAS e seguiranse as súas instrucións. En caso de presentar síntomas de gravidade ou dificultade respiratoria chamarase ao 061.
- Tras a aparición dun caso confirmado da Covid 19, seguiranse as instrucións das autoridades sanitarias.
- Recomendamos encarecidamente que todos os proxenitores instalen no seu teléfono a aplicación Abalar Móbil para facilitar a comunicación co centro e o profesorado.

### Medidas de acceso ao centro:

- O horario de atención ao público da secretaría do centro será de 9:15 a 13:30 con cita previa. Non estará aberta ao público en horario de entrada e saída do alumnado.
- A beirarrúa dereita de acceso ao centro (a que ten a marquesiña) queda reservada, durante os horarios de entrada e saída, para o alumnado usuario do transporte escolar.
- Rogamos que nos accesos ao colexio se respecte sempre a distancia de 1,5 m con outras persoas, que non se fagan aglomeracións e que non obstaculicen o paso.

### Medidas organizativas:

- A aula virtual xa está operativa e formarase ao alumnado en ferramentas dixitais para estar preparados no caso de pasar a un ensino non presencial.
- O comedor terá 3 quendas para reducir o número de usuarios simultáneos.

### Educación Infantil:

- Cada grupo-clase conformará un grupo estable de convivencia e non terá contacto con outros grupos.
- Recomendamos, na medida do posible, que os nenos/as veñan habitados a usar a máscara.
- Non poden traer xoguetes da casa, xa que é probable que os compartan.
- O alumnado que vén ao centro acompañado dun familiar entrará polo portalón de abaixo (na esquina do colexio ao final da rúa) a partir das 8:50 e agardará diante da porta da súa aula mantendo a distancia de seguridade (hai marcas no chan para tal fin). A titora abrirá a porta aproximadamente ás 9:00, xa que está na entrada principal agardando ao alumnado que vén en autobús.
- O alumnado estará na aula disposto, de forma xeral, en grupos de 5 nenos/as. Os grupos estarán distanciados doutros grupos un mínimo de 1,5 m.
- O horario de comedor será a partir das 13:30. Despois de xantar, os nenos/as estarán no patio ata a hora de recollida.
- A saída do centro será ás 13:40. Os familiares entrarán de novo polo portalón de abaixo e agardarán diante da porta da aula gardando a distancia de seguridade.

## Educación Primaria:

- Cada grupo-clase conformará un grupo estable de convivencia e non terá contacto con outros grupos.
- No caso de que a incidencia no concello sexa igual ou inferior a 25, poderanse xuntar os grupos dun mesmo curso no mesmo espazo de recreo.
- Os nenos/as gardarán a máxima distancia posible entre si e se situarán todos mirando cara ao encerado.
- A entrada será no horario habitual polo portalón principal a partir das 8:50. O alumnado dirixirase directamente cara a súa aula, onde lle agardará a mestra ou mestre có que teña clase a primeira hora. Haberá profesorado controlando a entrada, corredores e aseos.
- O alumnado poderá ser acompañado só ata o portalón de entrada.
- O recreo divídese en dúas quendas:
  - Infantil e 1º e 2º de Primaria: de 11:50 a 12:20.
  - 3º, 4º, 5º e 6º de Primaria: de 12:20 a 12:50.
- Cada grupo-clase terá unha zona delimitada para non estar en contacto nenos/as diferentes grupos. Esta zona será rotatoria semanalmente.
- A saída será escalonada para evitar aglomeracións:
  - 13:45 – 1º e 2º Primaria.
  - 13:50 – 3º e 4º.
  - 13:55 – 5º e 6º.
- Os familiares que veñan a buscar aos seus fillos/as na saída deben gardar a distancia de seguridade, evitando vir antes de tempo para non obstaculizar a saída dos grupos anteriores. Tampouco deben quedar na zona obstaculizando o paso.
- Os familiares que estean recollendo a nenos e nenas de Infantil e teñan tamén fillos en Primaria, poden agardar no patio e estes baixarán á hora de saída.

## Educación Secundaria:

- A distancia entre alumnos/as na aula será, como mínimo, de 1,2 m.
- Mantense o mesmo horario de entradas e saídas, tanto polas mañás como polas tardes.
- Non se realizarán aglomeracións á saída.

Os equipos directivo e COVID